

Jongörej Kimbi 1

Jonöj Kimbiñi mutukñi alök.

Jim-asa-asari

Jonöj jöpaköm anġuaġġugö keuñi köhöiba jiba malök. Urumeleñ ambazip neñön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatñan keu munenji ambazip kewö kusum sohom eñgiba malget: “Jisösnöj Suep aziyök akza. Gölmenöj yuai pakpak mi bölöñi akza. Miañgöra Jisösnöj gölme azi ölnji qahö aka malök.” Keu miañgöra aka tosatñan “Anutu möt narizin,” jiba ahakmeme ölpöñji mosöta siksauk silekmalek mala ambazip tosatñi yom kazik ak eñgiget aka qözlöm injarere malget. Keu sinji sinji mewöñan zioz mem bölöbapüköra Jonöj goro keuñi kimbinöj kewö ohoba ali kayök, “Jisösnöj Suep aka gölme azia mohok akza. Gölmenöj nup meme aka mötmöt meme mi yuai bölöñi qahö. Miañgöra ‘Anutu möt narizin,’ jiba Nahönñi Jisös kude mosötpin aka alaurupnini uruninan jöpaköm anġubin. Urukalem mi mönö kapañ köla ak anġumakin.”

Kimbi kĩañgö bahöñi bohonñi 6 mi kewö:

Malmalgö könañi mi Jisös 1.1-4

Asak aka söñauur uruñe malmal 1.5–2.29

Anutugöreñ aka Satangöreñ nahönbörat 3.1-24

Uña ölpöñji aka öme mi mönö kewötme 4.1-6

Urukalemgö könañi aka jimkutukutuñi 4.7-21

Mötnarip neñön bölöñi luhut alakin 5.1-21

Malmal köhöikñanġö keuñi mi Jisös Kraist

1 ¹“Nöñön malmal köhöikñanġö keuñi jimamgöra kimbi ki ohozal. Mutuhök malmalgö keu Toñan maliga miañgö könañe öroyuai pakpak asuhuyök. Yañön mala kota gölmenöj eriga i jeninan eka

^a 1.1 Jon 1.1

böröninan sileŋi misiriinga keuŋi jii möta malin. ²^bOyaenƷkoyaen malmalgö Toŋan asuhuiga neŋön i eka könaŋi nanŋöba jiba dangunu ewö kinjin. Malmal teteköŋi qahö miaŋgö Toŋan Iwibuk mala kota eta asuhum neŋgiyöhi, neŋön miaŋgö Buŋaŋi jim asariba uruŋini kuŋguzin. ³Neŋön Iwi aka yaŋgö Nahönŋi Jisös Kraist yetpuk urunini jöhöba mohot maljin. Injini mewöyök uruŋini nembuk jöhöba mohot malbingöra yuai eka mörini, mi jim tuarim eŋgizin. ⁴Sösöŋgainöŋ urunini kokolak qei malbingöra keu ki jim tuariba ohozin. Mewö.

Kembugö asakŋe malmal

⁵Buŋa keu yaŋgö Nahönŋaŋgöreŋök möta jim tuarim eŋgizini, mi kewö: Anutunöŋ asakŋaŋgö Toŋi akza aka yaŋgöreŋ söŋaup kun qahö ahöza. ⁶“Neŋön yambuk urunini jöhöba mohot maljin,” mewö jitnöŋ jiba töndup aiakaninan jipjap aka söŋaupnöŋ maljin ewö, mönö keu muneŋ jiba ahakmemeninan keu ölni qahö wuatangömakzin. ⁷Anutunöŋ asakŋaŋgö uruŋe maliga neŋön miaŋgö dop aiakanini asakŋaŋgö uruŋe ahakzin ewö, mönö sutnine urunini jöhöm aŋguba mohok malinga Nahönŋi Jisös Kraistkö sepŋan mönö siŋgisöndoknini pakpak saŋgoŋmakza.

⁸Urunine siŋgisöndok qahö ahöza, mewö jibinak ewö, mönö nanini tilipköm aŋguinga keu ölnan urunine qahö kinma. Qahö! ⁹Siŋgisöndoknini jim miwikŋaizin ewö, yaŋön mönö uruŋi diŋdiŋaŋgö dop jöhöjöhö keuŋi pöndaŋ wuatangöba siŋgisön-doknini mosöta ahakmemenini goŋgoŋi pakpak saŋgoŋmakza. ¹⁰“Siŋgisöndok qahö ahin,” mewö jibin ewö, mönö keu Toŋi oŋgiringa Anutunöŋ muneŋ jiji azi tandök aiga keuŋan urunine qahö kinma. Mewö.

Jisösnöŋ awörök köiput Tonini akza.

2 ¹O (koko) gömukurupni, injini siŋgisöndok akepuköra keu ki ohozal. Mi ohozalmö, kunöŋ töndup siŋgisöndok akawak ewö, awörök köiput Toninan mönö ahöm neŋgiza. Jisös Kraist yaŋön Iwigö kösutŋe mala keu pakpak diŋdiŋanök kewöta ak neŋgimakza. ²Awörök köiput Tonini yaŋön siŋgisöndokninaŋgö töwaŋi ala köl könjörat neŋgiyök. Mi neŋgö siŋgisöndokörök qahöpmö, mönö gölmeŋi gölmeŋi neŋgöreŋ siŋgisöndok mi mohotŋe köl könjöratmangöra kömuyök. Mewö.

Temkölköl mi aiaka diŋdiŋi.

³Anutugö jöjöpäŋ keuŋi tem kölakin ewö, mewö miaŋön i möt waŋgizini, mi ölop uruyahötŋi qahö möt yaközin.

⁴Kunŋan “Anutu möt waŋgizal,” jiba jöjöpäŋ keuŋi qahö tem köla wuatangömakzawi, yaŋön mönö muneŋ jiji ambaziwa aiga keu ölnan

^b 1.2 Jon 1.14

yanḡö uruḡe qahö kinja. ⁵Qahöpmö, kunöḡ Anutugö keuḡi tem köla wuatangömakzawi, Anutugö urukalemḡan mönö ölna yanḡö uruḡi kokolak qei aködampungambuk malja. Mewö miangön Anutubuk qekötahöba mohok maljini, mi möt yaközin. ⁶Kunḡan “Anutubuk qekötahöba maljal,” jizawi, yanḡön mönö Jisösnöḡ ahakmemeḡi ahök, mönö miangö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpaḡ keu dölökḡi

⁷O wölböt alaurupni, nöḡön jöjöpaḡ keu dölök-kunḡi qahöpmö, jöjöpaḡ keu walḡi könakönahieyök ahöm eḡgizawi, mönö mia ohom eḡgizal. Jöjöpaḡ keu walḡi miangö Buḡa keuḡi mi lök möta mala kotket. ⁸Töndup miangö jimkutukutuḡi dölökḡi mi eḡgöra ohozal. Söḡaupnöḡ ayapkömamḡö aiga asakḡi ölnan lök asarim qarimakzawi, miangöra jöjöpaḡ keu miangö ölnan mönö Anutugöreḡ aka eḡgöreḡ ahuba ahöza.

⁹Kunḡan jitḡan “Asakḡe maljal,” jizapmö, alaḡi kazik ak waḡgizawi, yanḡön mönö toroqeba söḡaup uruḡe malja. ¹⁰Kunḡan alaḡi jöpaköm waḡgimakzawi, yanḡön mönö asakḡangö uruḡe pöndaḡ maliga silikḡan tosatiḡi siḡgisöndok akḡegöra qahö kondorakza. ¹¹Mewömmö, kunḡan alaḡi kazik ak waḡgizawi, yanḡön mönö ömuḡe jipjap mala ahakmemeḡi söḡaup uruḡe ahakza. Söḡaupnöḡ jeḡi mem sohoiga janjuḡ aka maljawangöra aka denike anmawi, mi nanḡak qahö möt kutumakza. Qahö.

Anutunöḡ siḡgisöndoknini kösöloḡanimakza.

¹²O nahönböraturupni, Jisösnöḡ kömumba qet ketaḡi memba maljawangöra aka Anutunöḡ eḡö siḡgisöndokḡini mosöta kösöloḡanim teköyök. Miangöra keu ki eḡgöra ohozal. ¹³O iwiurupni, kunöḡ könakönahieyök mala kotzawi, iḡini i möt waḡgiba mala kotze. Miangöra keu ki eḡgöra ohozal. O gwaböurupni, iḡini bölöḡangö Toḡi luhut al waḡgiba maljei, miangöra keu ki eḡgöra ohozal. Nahönböraturupni, iḡini Iwigö könaḡi möt kutuba maljei, miangöra keu ki eḡgöra ohozal.

¹⁴Iwiurup, kunöḡ könakönahieyök mala kotzawi, iḡini i möt waḡgiba mala kotze. Miangöra keu ki ohobiga eḡgöreḡ kaza. Azi gwaböurup, iḡini Anutugöreḡ Buḡa keu uruḡine algetka köhöiba kiniga ösum-mumuḡinambuk aka bölöḡangö Toḡi luhut al waḡgiba malje. Miangöra keu ki ohobiga eḡgöreḡ kaza. Mewö.

Gölmegö ahakmeme bölöḡi mi yakörime.

¹⁵Iḡini gölmegö ahakmeme bölöḡi aka yuai pakpak miangöreḡ ahözawi, miangöra kude ak eḡgima. Kunḡan uruḡan gölmegö

© 2.7 Jon 13.34

ahakmemegöra ak wangiza ewö, Iwigö urukalemjan mönö yangö uruñe qahö kinja.

¹⁶ Gölmege ahakmeme mi kewö: Ambazipnön sileñinanğö sihim kömbönañini bölöñi mörakze. Yuai jeñinan eka eksihim aka köpösöngömakze aka gölmege malmalñinanğöra piririköba töröraiba sileñini memba öngömakze. Mi aka urukönöp tosatñi mi Iwigöreñök qahö kaza. Qahö! Mi mönö gölmege ahakmeme bölöñi akza. ¹⁷ Gölmege ahakmemenön görön qema aka miangö sihimñi bölöñi bölöñi mi mewöyök görön qememö, kunjan Anutugö jit sihitñi tem köla wuatangömakzawi, yañön mönö böñ qeba nalö teteköñi qahö mal köhöima. Mewö.

Kraistkö tuarenjoñurupñi lök asuhuze.

¹⁸ O (koko) gömokurupni, Kraistkö salupñe^d kinda tuarenjoñ ak wangimawañön nalö teteköñe asuhumawi, mi lök jigetka mötze. Keu miangö dop nalö kewöñe Kraistkö tuarenjoñurupñi gwötpuk lök asuhuba kinje. Keugö öñi mewö asuhuyöhañgöra aka nalö teteköñangö uruñe lök kañgota maljin, mi mötzin. Miangö aiwesökñi mewö. ¹⁹ Tuarenjoñ ambazip mieñön nanine kambunöhök mala neñgömosöta anget. Uruñini nembuk muneñ-muneñ jöhöba mötnarip könagesö sutnine lañ mala buratiget. Neñgöreñ könagesö öñi akeak ewö, mönö nembuk pöndañ qekötahöba mohokñe malbinak. Neñgömosöta tikep kinjei, silik miangön mönö könañini kewö kondeliga eka mötzin: Yeñgöreñök kunöñ nembuk öñja mohot qahö aka malök.

²⁰ Yeñön tikep kinjemö, Kraistnön Uñañi Töröñi eñgö uruñine mokoiga bedu memba inahöm eñgiiga körek eñön keu öñi möt kutuba malje.

²¹ Iñini keu öñi qahö möt kutubepüköra aka keu ki qahö ohom eñgizal. Mewögöra qahöpmö, iñini keu öñi möt kutuze aka keu öñjan keu muneñi kun kondotmamgö osimakza. Miangöra keu ki ohom eñgizal.

²² Jisösnön Amötqeçe Toñi Kraist akzapmö, kun dañön keu mi qañ köljawi, yañön mönö isimkakalek ambaziwa akza. Yañön Kraistkö salupñe kinda tuarenjoñ ak wangiba Iwi aka yangö Nahönñi mi mohokñe qañ köl etkimakza. ²³ Kunjan Iwigö Nahönñi qañ kölakzawi, yañön Iwiñi qahö öne malja. Kunjan Nahönñi jim miwikñaimakzawi, yañön mönö Iwi mewöyök miwikñaiaba yambuk malja.

²⁴ Iñini Buña keu könakönahiñeyök möta kotkeri, mi uruñine köhöiba kinmapköra galömñini meme. Buña keu möta kotkeri, miangön uruñine kinma ewö, iñini mewöyök mönö böñ qeba Iwi aka yangö Nahönñi yetpuk qekötahöba kinme. ²⁵ Kraistnön jöhöjöhö keu kewö neñgii ahöza,

^d **2.18** Kraistkö tuarenjoñi mi Antikraist. Grik keu anti, miangö könañi yahöt. Yañön Kraistkö salupñe kinja aka Kraist öñi tuarenjoñ ak wangimakza.

“Nömbuk kinme ewö, mönö oyaenjkoyaen malmal enggibiga teteköni qahö mal köhöime.”

²⁶Tosatjan esapköba janjuj mem enggimakzei, nöñön yeñgöra aka keu mi ohom enggizal. ²⁷Tosatjan janjuj ahakzemö, Kraistnöñ Uña Töröñi engö uruñine mokoiga bedu memba inahöm enggimakza. Uña yañön uruñine böñ kini qahö löwörime ewö, eñön mönö böhi kungöra qahö osime. Mi kewögöra: Yañgö Uñañan mönö ahakmemegö keu pakpak kusum enggimakña. Bedu memba inahöm enggimakzawi, miañön yuai muneñi kun qahöpmö, mötmöt ösumñi öl töhöññanök akza. Miañgöra keu ölni kusum enggiyöhanğö dop mönö keuñi pakpak tem köla Kraistpuk töp qekötahöba kinme.

²⁸O (koko) gömökurupni! Inini mönö Kraistpuk töp qekötahöba kinme. Yambuk kinda malinga kunbuk asuhumawi, nalö miañgöreñ qahö közöl neñgiiga gamu qakñe qahö mömölaköba anbinmö, ölop yañgö jeñe awösamkakak qakñe tamehök kinbin. ²⁹Kraistnöñ solanñi akzawi, iñini keu mi möt kutuze ewö, mönö keu ki mewöyök ölop möt asarime: Ambazip köreknan ahakmeme solanñi ahakzei, yeñön mönö mewöyök Anutugöreñök ahuba nahönböراتurupñi akze. Mewö.

Neñön Anutugöreñök ahuba nahönböراتñi akzin.

3 ¹Mötket! Sup Iwininan neñgöra “Nani nahönböراتurupni,” mewö neñgohola miañön urukalemñi ketanñi kondel neñgimakza. Nini ölna Anutugö nahönböراتurupñi akzin. Mi akzinangöra gölme ambazipnöñ könañamnini qahö möt kutuba malje. Anutugö könañi qahö möt kutuzeangöra nanine könañamninañgöra mewöyök tötöpinpin malje. ²O wölböt alaurupni, nalö kewöñe nini Anutugö nahönböراتurupñi aka maljin. Mewö mala könañep denöwö aka malbini, mi aukñe qahö asuhuyök. Mohok kun mötzini, mi kewö: Yañön kunbuk aukñe asuhuiga kaisoñgolomñi ölni jeninan ekini, nalö miañgöreñ mönö letota i ewö akin. ³Denike yeñön Kraistköra jörömqöröm mewöñi ak wañgizei, yañön mönö i köl köñjorat mem enggiiga yañgö tandök ewö sarakñi aka malme.

⁴Denike yeñön siñgisöndok akzei, yeñön mönö köna keu qeba walöñmakze. Siñgisöndok mi iwilele ahakmemeya. ⁵Kraist nanñak siñgisöndokñi kun qahö yañön nanine siñgisöndoknini köl köñjoratmamgöra eta asuhuyöhi, mi ölop mötze. ⁶Denike yeñön Kraistpuk böñ qeba kinjei, yeñön siñgisöndok qahö aka malje. Kunñan siñgisöndok toroqeba ahakzawi, yañön Jisös qahö eka könañi qahö möt kutuba malja. Mewö.

⁷O (kokourupni) gömökurupni! Kunñan janjuj mem enggipapaköra mönö galömmñini mem anguba malme. Kraistnöñ solanñi akzawi, yañgö dop

^e 3.1 Jon 1.12 ^f 3.5 Jon 1.29

ahakmeme solanji törörök wuataŋ-gömakzawaŋön mönö solanji akza. ⁸Bölöŋaŋgö Toŋjan köna-könaŋiŋeyök ŋiŋgisöndok aka kota malja. Mianŋgö dop denike yeŋön ŋiŋgisöndok ahakzei, yeŋön mönö Bölöŋi Toŋaŋgö buŋaya akze. Anutugö Nahönŋan mönö yaŋgö nupŋi yaiŋ memamgöra eta asuhuyök.

⁹Denike yeŋön Anutugöreŋök asuhugeri, yeŋgöreŋök kunŋan malmal qainŋi kun uruŋe ahözawaŋgöra mönö ŋiŋgisöndok qahö toroqeba ahakza. Ahuahu dölökŋi ahuba maljawaŋgöra aka ŋiŋgisöndok toroqeba akŋamgö osimakza. ¹⁰Denike yeŋön Anutugö nahönböratŋi aka denike yeŋön Bölöŋi Toŋaŋgö nahönböratŋi akzei, mi kewö kewöta möt asaribin: Kunŋan ahakmeme solanji qahö wuataŋgömakzawi, yaŋön mönö Anutugö buŋaŋi qahö akza. Mewöŋanök kunŋan alaurupŋi qahö jöpaköm eŋgimakzawi, yaŋön Anutugö buŋaya qahö akza. Mianŋgö aiwesökŋi mewö.

Iŋini mönö jöpaköm aŋguba malme.

¹¹Buŋa keugö köŋŋi könakönaŋiŋeyök möta kota maljini, mianŋgö jöjöpäŋ keuŋi kewö: Nini mönö urunöŋ jöpaköm aŋguba malbin. ¹²^hKein (Kain) yaŋön Bölöŋi Toŋaŋgö buŋaya mala munŋi qei kömuyök. Nini mönö i ewö aka malbinbuk. Yaŋön kewögöra munŋi qeyök: Nanŋi ahakmemenjan bölöŋi ahökmö, munŋaŋ-göreŋan solanji ahök. Mönö mianŋgöra qeyök.

¹³O urumeleŋ alaurupni, gölme ambazipnöŋ kazik ak eŋgime ewö, mianŋgöra mönö kude welipköme. ¹⁴ⁱNini urumeleŋ alaurupnini jöpaköm eŋgimakinanŋgöra aka keu ki möt asarizin: Nini kömup köhöikŋaŋgö jaböŋi walöŋda malmal köhöikŋe aŋgota maljin. Kunŋan urukalem qahö ahakzawi, yaŋön mönö toroqeba kömup köhöikŋaŋgö uruŋe kinma. ¹⁵Ambazip alaurupŋini kazik ak eŋgimakzei, körek yeŋön mönö köhömuŋi eŋguenŋu ambaziwa akze. Malmal köhöikŋi mi eŋguenŋu ambazip mewöŋi kungö uruŋe qahö ahöza, mi ölöŋ möt yaköze.

¹⁶Jisös Kraistnöŋ malmalŋi neŋgöra aka köleŋda mosöta jöpaköm aŋguanŋugö könaŋi mewö kondel neŋgiiga eka möt kutuzin. Neŋön mönö mewöŋanök malmalnini urumeleŋ alaurup yeŋgöra aka köleŋda mosöringa dop kölma. ¹⁷Kunŋan gölmeŋgö öroyuaiŋi dopŋe memba maliga alajan yuaigöra osiba mözöqözöröŋ aiga ekzapmö, töndup ekbonep aka uruŋi jöhöza ewö, Anutugö urukalemŋan mönö yaŋgö uruŋe denöwö kinbawak? ¹⁸O (koko) gömukurupni, jöpaköm aŋguanŋu mi numbu jitninan keu töhönök timbiliba jimakinbukmö, mi mönö ahakmemeninan keu ölöŋi wuataŋgöba aka malbin.

Mönö Anutugö jemesoholŋe tamehök kinbin.

¹⁹Nini keu ölöŋaŋgö buŋaya akzin me qahö? Akzin ewö, mönö ölöŋ urunini böŋjöŋ köliga Anutugö jemesoholŋe awösamkakak kinbin.

⁸ 3.11 Jon 13.34 ^h 3.12 Jen 4.8 ⁱ 3.14 Jon 5.24

Keu mi nanini kewöt aᅅguba kewö möt kutubin: ²⁰Uruninan yuai bölöᅅaᅅgöra aka jim neᅅgiza ewö, nini keu ki ölop möt yaközin: Anutunöᅅ kewötkewöt Tonini aka keunini diᅅdiᅅanök kewötma. Anutugö mötmötᅅan mönö nanine mötmötnini oᅅgita öᅅgöᅅᅅöᅅi aiga keu pakpak ölop möt teköza. Miaᅅgöra ölop urunini böᅅjöᅅ köliga malbin.

²¹O wölböt alaurupni, uruninan qahö jim neᅅgiza ewö, nini mönö Anutugö jemesoholᅅe awösamkakak aka tamehök kinbin. ²²Nini Anutugö jöjöpaᅅ keuᅅi tem köla ahakmemenini dop köl waᅅgimakzawaᅅᅅö dop aka memba malakzin. Miaᅅgöra yuai kungöra köuluköba qesim waᅅgibini, mönö mia neᅅgii buᅅa qem aᅅgubin.

²³^JAnutugöᅅreᅅ jöjöpaᅅ keu yahöt mi kewö: Nini mönö Nahöᅅᅅi Jisös Kraistkö qetᅅi memba möt nariba urunini melenᅅbin aka jöjöpaᅅ keu jim kutum neᅅgiyöhaᅅᅅö dop jöpaköm aᅅguba malbin. Mewö qahö aka malbinak, mi Anutugö jeᅅe qahö dop kölbawak. ²⁴Denike yeᅅön Anutugö jöjöpaᅅ keuᅅi tem kölakzei, yeᅅön mönö Anutubuk qekötahöba malgetka Anutunöᅅ yembuk lapingöba kinja. Yaᅅön nembuk lapingöba kinjawi, mi Uᅅaᅅi Töröᅅi neᅅgiiga urunine saᅅep ala maljawaᅅᅅgöra möt kutuzin. Mewö.

Uᅅaya me ömeya mi mönö köᅅaᅅiᅅi kewöta mötme.

4 ¹O wölböt alaurupni, kezapqetok ambazip takapulakaᅅi gwötpuk mi gölme dop liliköba maljei, miaᅅgöra keu pakpak mi zilaᅅ kude memba möt narime. Anutugö Uᅅaᅅan me öme kunᅅan sölölohöiga asuhuzawi, mi mönö mutuk esapesapnöᅅ ala kewötme. ²Anutugö Uᅅaᅅaᅅᅅö köᅅaᅅi mi mönö kewö kewöta möt miwikᅅaime, “Jisös Kraistnöᅅ eta silebuk aka malök,” denike yeᅅön keu mi jim miwikᅅaimakzei, yeᅅön mönö körek Anutugö buᅅaya akze. ³Kunᅅan Jisösgö köᅅaᅅi mewö qahö jim miwikᅅaimakzawi, yaᅅön Anutugö buᅅaya qahö akza. Kraist tuarenjöᅅaᅅᅅö ömeᅅan mönö yaᅅᅅö uruᅅi sölölohöiga keu jimakza. Kunöᅅ asuhuba Kraistkö salupᅅe kinda tuarenjöᅅ ak waᅅgimawi,^k keu mewö jiget mötketka yaᅅön lök nalö kewöᅅe gölmenöᅅ asuᅅuza.

⁴O (koko) gömokurupni, iᅅini Anutugö buᅅaya aketka Uᅅa Töröᅅan uruᅅine kinda gölmegö ömewörömeᅅi mi eᅅᅅöᅅgita luhut al eᅅᅅimakza. Miaᅅgöra kezapqetok ambazip takapulakaᅅi mi ölop luhut al eᅅᅅiba malje. ⁵Yeᅅön gölmegö buᅅaya aketka gölmegö ömeᅅan sölölohöm eᅅᅅimakze. Miaᅅgöra gölmegö ahakmemenᅅi wuatᅅᅅöba keu jigetka urumelenᅅö kopa ambazip yeᅅön keuᅅinaᅅᅅgöra kezap ala mörakze.

⁶Nini Anutugö buᅅaya ahinga Uᅅa Töröᅅan sölölohöm neᅅgimakza. Anutu möt waᅅgizeaᅅön mönö neᅅᅅö keuninaᅅᅅgöra kezap ala mörakze.

^J 3.23 Jon 13.34; 15.12, 17 ^k 4.3 Kraistkö tuarenjöᅅi mi Antikraist. Grik keu anti, miaᅅᅅö köᅅaᅅi yahöt. Yaᅅön Kraistkö salupᅅe kinja aka Kraist öᅅᅅi tuarenjöᅅ ak wangimakza.

Anutugö buŋaya qahö akzei, yeŋön neŋgö keuninaŋgöra kezap qahö ala mörakze. Keu öŋnaŋgö Uŋaŋi aka isimkakalekö ömeŋi yetkö könaŋiri mi mönö mewö kewöta möt kutumakzin. Mewö.

Anutunöŋ urujöpakö könaŋi akza.

⁷O wölböt alaurupni! Anutunöŋ jöpaköm aŋguaŋgugö jalöŋi akza. (Miaŋgöra urukalem mi o jeŋaŋgö tandök ewö ahöba korakza.) Miaŋgöra nini mönö jöpaköm aŋguba malbin. Mewö aka maljini, körek neŋön mönö Anutu möt waŋgiba yaŋgöreŋök ahuahu dölökŋi ahuaba maljin.

⁸Anutunöŋ urujöpakö Toŋi akza. Mewö akzawaŋgöra kunŋan ambazip qahö jöpaköm eŋgimakkawi, yaŋön mönö Anutu qahö möt waŋgiba tönpin malja. ⁹Anutunöŋ urukalemŋi kewö kondeli sutnine asuhuyök: Yaŋön Nahönŋi mohok-kunŋan nam köl neŋgii mal köhöibingöra aka melaiiga gölmenöŋ erök. ¹⁰Nini Anutu jöpaköm waŋgiinmö, miaŋön urukalemgö könaŋi qahö. Urujöpakö könaŋi mi kewö: Anutunöŋ jöpaköm neŋgiba ŋiŋgisöndoknini köl köŋjöratmamgöra Nahönŋi melaiiga neŋgöreŋ erök.

¹¹O (koko) gömokurupni, Anutunöŋ mewö önöŋi qahö jöpaköm neŋgiyöhaŋgöra neŋön mönö mewöŋanök uruninan jöpaköm aŋgumakin. Urukalem qahö ak aŋguinga qahö dop kölja. ¹²Kunŋan kun Anutu nalö kunöŋ qahö ehökmö, jöpaköm aŋguba maljin ewö, Anutunöŋ mönö urunine lapingöba kiniga urukalemŋan urunini kokolak qeiga aködamuninambuk maljin.

¹³Nini Anutubuk qekötahöba malinga yaŋön urunine lapingöba kinjawi, mi Uŋaŋi Töröŋi neŋgiyöhaŋgöra aka möt kutuba uruyahöt qahö ahakzin. ¹⁴Iwinöŋ Nahönŋi gölmeŋi gölmeŋi neŋgö Amötqeqe Tonini akŋapköra melaiiga erök. Neŋön mi eka möta naŋgöba jimakzin. ¹⁵Kunŋan “Jisös Anutugö Nahönŋi akza,” jiba jim miwikŋaimakkawi, Anutunöŋ mönö yaŋgö uruŋe lapingöba kiniga yaŋön Anutubuk qekötahöba malja.

¹⁶Anutunöŋ uruŋan jöpaköm neŋgimakkawi, nini miaŋgö könaŋi möta miaŋgöreŋ möt narimakkzin. Anutunöŋ urujöpakö Toŋi akza. Mewö akzawaŋgöra kunŋan ambazip jöpaköm eŋgiba maljawi, yaŋön mönö Anutubuk qekötahöba kiniga Anutunöŋ yaŋgö uruŋe lapingöba malja. ¹⁷Mewö malinga köŋgörököm neŋgiiga Anutugö urukalemŋan urunini kokolak qeiga aködamu-ninambuk maljin. Nini Kraistkö tandök ewö gölme kusukŋi kiaŋgöreŋ maljin. Mewö maljinaŋgöra aka Anutugö jimtekötekö nalö ketaje Kraistkö jeŋe aŋgota miaŋgöreŋ awösamkakak aka tamehök kinbin.

¹⁸Anutunöŋ jöpaköm neŋgiiga kinda öne töhön keŋgötnini mötpinbuk. ŋiŋgisöndok ambazip yaŋön Anutunöŋ ŋiŋgisöndok-ŋinaŋgö likeŋŋi

¹ 4.12 Jon 1.18

melenj enjibapuköra keŋgötŋini mörakzemö, Anutugö urujöpakŋan urunini kokolak qeza ewö, miaŋön mönö keŋgöt mötmöt pakpak yakörim tekömakza. Miaŋgöra kunŋan keŋgötŋi mörakzawi, yaŋön jöpaköm neŋgimakzawaŋgö könŋi mi törörök qahö möt teköza.

¹⁹Yaŋön mutuk jöpaköm neŋgiyöhaŋgöra aka nini urukalem ahakzin. ²⁰Kunŋan “Anutu jöpaközal,” jizapmö, alaŋi kazik ak waŋgimakzawi, yaŋön mönö munej jiji ambaziwa akza. Miaŋgö könŋi kewö: Alaŋi eka töndup qahö jöpaköm waŋgiza ewö, yaŋön Anutu qahö eka i mönö denöwö jöpaköm waŋgibawakto? ²¹Kunŋan Anutu jöpaköm waŋgimakzawi, yaŋön mönö alaurupŋi mewöyök jöpaköm enjiba malma. Anutunöŋ jöjopaŋ keuŋi mewö al neŋgiyök. Mewö.

Mötnariŋ ambazip neŋön luhut alakin.

5 ¹Denike yeŋön Jisös möt nariba “Amötqeqe Tonina akza,” jimakzei, körek yeŋön mönö Anutugöreŋök ahuahu dölökŋi ahuha malje. Denike yeŋön Iwi jöpakömakzei, körek yeŋön mönö yaŋgö Nahönŋi mewöyök jöpaköm waŋgimakze. ²“Anutugö nahönbörat-urupŋi jöpaköm enjizin,” jiinga keu miaŋgö öljŋi mi nanini kewögöra kewöt aŋguba mötzin: Anutu jöpaköm waŋgiba jöjopaŋ keuŋi tem köla wuatangömakzin ewö, mönö Anutugö nahönbörat-urupŋi mewöyök jöpaköm enjimakin. Miaŋgö aiwesökŋi mewö. ³“Anutu jöpaköm waŋgibingö öljŋi mi temkölköl. Anutugö jöjopaŋ keuŋi wuatangöinga dop kölja. Jöjopaŋ keuŋi tem kölinga lömbötŋambuk qahö akŋa.

⁴Anutugöreŋök ahuahu dölökŋi ahuini, körek neŋön ölop yaŋgö jitŋi tem köla gölmegö ahakmeme bölöŋi luhut alakin. Anutunöŋ mötnariŋ neŋgiiga miaŋgö qakŋe köuluköinga lök gölmegö ahakmeme bölöŋi memba et alök. Luhut albingö köna murutŋi kun qahö ahöza. ⁵Neŋön luhut qahö albinak ewö, denike yeŋön mönö mi akeak? Jisösnöŋ Anutugö Nahönŋa akzawi, mi möt narizawaŋön mönö gölmegö ahakmeme bölöŋi luhut alakza. Mewö.

Anutunöŋ Nahönŋaŋgö keu kewö naŋgöba jiyök:

⁶Jisös Kraistnöŋ Anutugö Nahönŋa akzawi, mi denöwö mötzin? Jisösnöŋ oe geiga Jonöŋ o melun mem waŋgiiga Anutunöŋ nalö miaŋgöreŋ keu mi jiiga mötket aka könŋep sepŋi mokomangö aiga miaŋgöreŋ qet kun Suepnöhök asuhuiga mötket. Keu onöŋ indim mohok asuhuyöhi, miyök qahö. Suep Toŋan keu naŋgöba jiyöhi, miaŋgö aiwesökŋi mi o aka sep, yahöt mi. Toroqeba Uŋa Töröŋan keu mi jimakza. Yaŋön keu öljŋaŋgö Toŋi akzawaŋgöra aka munej jimangö osimakza.

^m 5.3 Jon 14.15

⁷Nanğönanğö keu karöbut mi mewö mörin ahöza. ⁸Keu karöbut miengö aiwesökñini mi Uña, o aka sep. Keuñini mi öröröñ aukñe möringa dop köl teköza. ⁹Keu jakeñe kanğota nanğönanğö ahakzei, mi ölop möt anğön kölakzinmö, Anutugö nanğönanğö keuñan mönö ambazip keunini onğita pöwöwöm köhöikñi akza. Anutunöñ Nahönñanğöra “Nani Nahöna!” qeta könani mewö aukñe nanğöba jiyök. Mianğöra keu mi andö qebinbuk.

¹⁰Kunñan Anutugö Nahönñi möt narimakzawi, nanğönanğö keu Toñan mönö nanñak yanğö uruñe maliga yanğö könani ölop möt yaköza. Kunñan Anutu qahö möt narimakzawi, yanğön mönö nanğönanğö keu Toñi nanñi memba et aliga muney jiji azia ahakza. Anutunöñ keu kötni Nahönñanğöra nanğöba jiyöhi, yanğön keu mi qahö möt narizawanğöra mönö Anutu nanñi andö qeba qetalakza. ¹¹“Anutunöñ keuñi kewö nanğöba jiyök, “Nöñön malmal köhöikñi engimamgö jiali, nani Nahönan mönö malmal kömbönanñi mianğö kondotkondot Toñi akza.” ¹²Yanğö Nahönñambuk maljawanğön mönö malmal köhöikñi buña qem anğuba malja. Anutugö Nahönñambuk qahö maljawanğön mönö malmal köhöikñi mi qahö buña qem anğuba malja. Mewö.

Malmal köhöikñanğö könani

¹³Uruñini meleñda Anutu Nahönñanğö qetñi memba möt narimakzei, nöñön kimbi ki engöra ohozal. Malmal köhöikñanğö buñaya akzei, inñini mianğö könani törörök möt kutumegöra ki ohozal. ¹⁴Nini ölop awösamkakak aka Anutugö kösutñe anda köuluköba kinda kewö möt yaközin: Wani yuaigöra yanğö jit sihitñanğö dop köuluköm wanğibini, yanğön mönö köuluknini mi mötma. ¹⁵Mi me mi mianğöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm wanğizini, mi pakpak mönö neñgö buñanina akña.

¹⁶Kunñan alañi ehi siñgisöndok ahiga mianğön kömup köhöikñanğö buñaya qahö akñawi, yanğön mönö alañi mianğöra Anutu köuluköiga amöt qem wanğiiga malmal köhöikñe anğotma. Siñgisöndok Anutunöñ mosötmawanğö dop akeri, keu ki mönö yeñgöra jizal. Tosatñan siñgisöndok aketka mianğön kömup köhöikñanğö buñaya akñei, yeñgöra köulukömegöra mi qahö jizal. Qahö. ¹⁷Ahakmeme bölöñi pakpak mi siñgisöndok akza. Köpösihit tosatñi ahinga mianğön kömup köhöikñanğö buñaya qahö akin. Mewö.

Mötnarip ambazip neñön Anutubuk qekötahöba kinjin.

¹⁸Denike yeñön Anutugöreñök ahuahü dölökñi ahugeri, yeñgöreñök kunñan siñgisöndok qahö toroqeba ahakzawi, mi mötzin. Anutugöreñök

^a 5.11 Jon 3.36

ahuahu dölökñi ahuba maljawañön mönö nanñi galöm mem aņguiga Bölöñangö Toņan i qahö qeraköba mema.

¹⁹Nini keu ki mötzin: Nini Anutugö buņaya akzinmö, gölme dop yeñön uruñini qahö melerđa Bölöñi Toņangö kukösum bapņe malgetka galöm köl eņgimakza.

²⁰Keu ki mewöyök mötzin: Kunöñ öl töhöññi akzawi, nini i möt waņgibingöra Anutunöñ Nahönñi melaiiga eta möt-asa-asari neņgiyök. Kunöñ öl töhöññi akzawi, nini yambuk qekötahöba mohok aka maljin. Öl töhöññi yañön mönö Anutugö Nahönñi Jisös Kraist. Yañön Anutu ölbölñi aka malmal köhöikñangö kondotkondot Toņi akza.

²¹O (koko) gömokurupni, tandö lopioñ aka bem muneñi tosatņan köpeiba qeraköm eņgibepuköra mönö nanñini galöm mem aņguba malme. Mewö.